



Broj: 12-22-6171/24-2

Datum: 10.07. 2024. godine

**PROGRAM
UTROŠKA SREDSTAVA
„TRANSFER - POTICAJ ŠUMAMA U SKLADU SA ZAKONOM O ŠUMAMA“
UTVRĐENIH IZMJENAMA I DOPUNAMA BUDŽETA
SREDNJOBOSANSKOG KANTONA/KANTONA SREDIŠNJA BOSNA
SA KRITERIJIMA RASPODJELE SREDSTAVA ZA 2024. GODINU**

A. SVRHA PROGRAMA

Shodno članu 54. Zakona o šumama ("Službene novine SBK": broj: 5/14; 12/15; 8/16; 7/18, 14/20 i 1/23), radi ostvarivanja općeg interesa i dugoročnih ciljeva održivog gospodarenja šumama utvrđenih šumskogospodarskim osnovama, prikupljaju se finansijska sredstva za zaštitu i unapređenje stanja postojećih i podizanja novih šuma i za ruralni razvoj. Finansijska sredstva se obezbjeđuju iz naknada po osnovu člana 54. stav 2. Zakona o šumama, te se ista u skladu sa članom 55. i članom 56. Zakona, uplaćuju kao namjenska sredstva na račun budžeta kantona. Ova sredstva obezbjeđuju se iz:

- Naknada za općekorisne funkcije šuma;
- Naknada za korištenje državnih šuma;
- Naknada za obavljanje stručnih poslova u privatnim šumama;
- Naknada za izdvajanje dijelova državnih šuma iz šumskogospodarskih područja;
- Naknada u postupku promjene namjene šuma i šumskog zemljišta (krčenja šuma);
- Naknada po osnovu zakupa državnog šumskog zemljišta;
- Naknada po osnovu uspostave prava služnosti na državnom šumskom zemljištu;
- Ostalih izvora shodno ovom Zakonu i iz drugih izvora.

Shodno članu 57. stav 2. Zakona o šumama, za iznos sredstava utvrđen budžetom kantona u tekućoj godini za te namjene, Kantonalna uprava za šumarstvo je u obavezi da pripremi program utroška sredstava.

B. VISINA SREDSTAVA I IZVORI SREDSTAVA

Izmjenama i dopunama Budžeta Srednjobosanskog kantona za 2024. godinu, u članu 3. razdjel 19, glava 02, predviđen je transfer na ekonomskom kodu:

1. Poticaj šumarstvu za državne šume;

- Ekonomski kod 614400- Subvencija javnim preduzećima –

poticaj šumarstvu za državne šume u iznosu 1.701.000,00 KM.

-Ekonomski kod 615400- Kapitalni transferi javnim preduzećima –

poticaj šumarstvu za državne šume u iznosu 812.846,00KM.

Ukupni iznos:..... 2.513.846,00KM.

Za utvrđeni iznos sredstava finansirat/sufinansirat će se projekti korisnika državnih šuma - preduzeća koje gospodari državnim šumama Srednjobosanskog kantona, kako slijedi:

1. Realizacija projekata po Programu utroška sredstava za 2023.godinu, po osnovu prenosa neutrošenih namjenskih sredstava u iznosu..... 1.545.000,00 KM.
2. Iskorištavanje šuma u iznosu od 200.000,00KM.
 - izgradnja i održavanje šumskih puteva
3. Uzgajanje šuma u iznosu od 320.000,00 KM.
 - biološku obnovu šuma u obimu većem od onog koji je predviđen šumsko privrednom osnovom;
 - očuvanje i unapređenje bioraznolikosti šumskih ekosistema
 - očuvanje i unapređenje genofonda, rijetkih i ugroženih vrsta šumskog drveća
4. Zaštita šuma u iznosu od 200.000,00KM.
 - obnova šuma od posljedica elementarnih nepogoda, prenamnoženosti insekata, požara i sličnog;
 - podrška aktivnostima u gospodarenju šumama od vitalnog interesa, zaštitnim šumama i šumama visoke zaštitne vrijednosti
5. Uređivanje šuma u iznosu od..... 48.846,00KM.
 - naučna istraživanja i stručne analize
 - uvođenje standarda, novih tehnologija, novih proizvoda i kontrole kvaliteta
6. Ostale namjene za unaprijeđenje šuma u iznosu od..... 200.000,00KM.
 - deminiranje kontaminiranih šumskih površina i šumskog zemljišta minama i neeksplozivnim ubojitim sredstvima;
 - razvijanje svijesti javnosti o značaju zaštite okoliša, važnosti šuma i potrebe za očuvanjem prirodnih resursa, te o mogućim negativnim posljedicama deforestacije i degradacije šuma,
 - projekti u vezi sa formiranjem i vođenjem evidencije zagađivača i zagađenja i pružanje informacija o stanju šuma i okoliša.

2.Poticaj šumarstvu u iznosu od60.000,00KM.

- Ekonomski kod 614300 - Tekući transferi neprofitnim organizacijama –
poticaj šumarstvu u iznosu60.000,00 KM.

Sveukupno (1+2)..... 2.573.846,00KM.

Ugovorom o prijenosu poslova gospodarenja državnim šumama na području Srednjobosanskog kantona, broj: 06-22-39/22 od 13.01.2022. godine, Ministarstvo poljoprivrede, vodoprivrede i šumarstva SBK poslove gospodarenja državnim šumama prenijelo je u nadležnost ŠPD/ŠGD „Srednjobosanske šume/Šume Središne Bosne“ d.o.o. Donji Vakuf (korisnika državnih šuma).

U skladu sa članom 35. stav (2). Zakona o šumama: - poslove gospodarenja državnim šumama Ministarstvo ugovorom prenosi korisniku državnih šuma, a posebno:

- izradu šumskogospodarskih osnova
- izradu godišnjih i/ili privremenih planova gospodarenja šumama
- izradu projekata za izvođenje radova u šumarstvu i njihovu realizaciju, projektovanje, izgradnju, rekonstrukciju, održavanje i nadgledanje šumske infrastrukture i saobraćaja na njoj, te prometa šumskih drvnih sortimenata i sekundarnih (nedrvnih) šumskih proizvoda,
- provođenje programa i planova biološke obnove šuma,
- provođenje mjera zaštite šuma, proizvodnje i prometa šumskog sjemena, te šumskog i ukrasnog sadnog materijala,
- provođenje planova korištenja nedrvnih šumskih proizvoda,
- izvršavanje planova iskorištavanja šuma
- realizacije planova razvoja šumarstva i mjera racionalizacije u šumarstvu
- sve ekonomske odgovornosti, koristi, zadatke i odluke, koje se odnose na poslove gospodarenja šumama proistekle iz alineje 1 do 9 ovog člana

U skladu sa članom 57. Zakona o šumama i člana 15. Zakona o izmjenama Zakona o šumama iz namjenskih sredstava prikupljenih u budžetu kantona po navedenom osnovu, moguće je finansirati sljedeće poslove:

- upravni i stručni poslovi koji se odnose na državne i privatne šume;
- izrada i revizija kantonalnog šumskograzvojnog plana;
- izrada šumsko privrednih osnova za privatne šume i nadzor nad prikupljanjem podataka za izradu šumsko privrednih osnova za državne i privatne šume;
- biološka obnova šuma u obimu većem od onog koji je predviđen šumsko privrednom osnovom;
- obnova šuma od posljedica elementarnih nepogoda, prenamnoženja insekata, požara i slično;
- unapređenje proizvodnje šumskog reproduktivnog materijala;
- gospodarenje šumama koje su od vitalnog interesa shodno stavu 3. člana 18. ovog Zakona
- organizovanje tehničkih specijalističkih kurseva iz oblasti šumarstva;
- očuvanje i unapređenje bioraznolikosti šumskih ekosistema;
- očuvanje i unapređenje genofonda, rijetkih i ugroženih vrsta šumskog drveća
- znanstvena istraživanja i stručne analize
- izgradnja i održavanje šumskih putova
- ostale namjene za unapređenje šuma
- deminiranje šumskih površina i šumskog zemljišta kontaminiranih minama i neeksplozivnim ubojitim sredstvima

Strategijom razvoja Srednjobosanskog kantona za period 2021.-2027. godine, utvrđeni su strateški ciljevi razvoja Kantona:

1. Poticati održivi ekonomski razvoj

Cilj je mobilisati sve raspoložive potencijale, prirodne resurse, naslijeđe i tradiciju koje Kanton posjeduje te ih staviti u funkciju razvoja privrede.

Prioritetni ciljevi:

- Poticati ruralni razvoj, uz jačanje poljoprivrede, šumarstva i prehrambene industrije
- Povećati konkurentnost industrije, kroz tehnološke inovacije i digitalizaciju
- Poboljšati turističku ponudu, infrastrukturu i poduzetništvo za razvoj održivog turizma
- Kreirati povoljnije poslovno okruženje za održiv rast i zapošljavanje

2. Unaprijediti kvalitet življenja i održivoga društvenog okruženja za sve građane

Cilj je unapređenje kvaliteta življenja i održivoga društvenog okruženja za sve građane kako bi svi građani Kantona imali priliku živjeti u sigurnijem okruženju i društvu koje pruža jednake mogućnosti.

Prioritetni ciljevi:

- Unapređenje kvaliteta obrazovnog sistema
- Unapređenje sporta i kulture
- Poboljšanje postojećih i uvođenje novih usluga u sektoru zdravstva i socijalnoj zaštiti
- Povećanje stepena sigurnosti građana
- Transparentan i efikasan javni sektor u službi građana

3. Poboljšati stanje okoliša i javnu infrastrukturu

Cilj je poboljšanje stanja okoliša i infrastrukture u Kantonu kako bi se osigurao zadovoljavajući kvalitet življenja građana Kantona i stvorile osnovne pretpostavke za daljnji razvoj privrede.

Prioritetni ciljevi:

- Uspostava funkcionalnog sistema za integrisano upravljanje okolišem
- Poboljšati stanje okoliša kroz očuvanje područja visokih prirodnih vrijednosti
- Poboljšanje kvaliteta komunalnih usluga, uz značajno unapređenje komunalne infrastrukture
- Osigurana zaštita prirodnih resursa, kroz održivo i energetski efikasno upravljanje te korištenje resursima

Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine (Službene novine F BiH broj: 15/2018), utvrđeni su minimalni standardi koje je potrebno slijediti prilikom planiranja i dodjele sredstava putem transfera i subvencija, te se slijedom istih, prioriteti za finansiranje utvrđuju na osnovu procjene potreba u određenoj oblasti u srednjoročnom periodu i mjera za ostvarivanje ciljeva iz strateških dokumenata, te obaveza prema zakonski utvrđenim pravima koje spadaju u nadležnost davaoca budžetskih sredstava.

U okviru ovog Programa utroška, specifični ciljevi koji treba da doprinesu unapređenju sektora šumarstva i ostvarenju strateških ciljeva su:

1.1. Poticati ruralni razvoj, uz jačanje poljoprivrede, šumarstva i prehrambene industrije

- Unapređenje kapaciteta u šumskoprivrednom društvu i održivo gospodarenje šumama

1.2. Povećati konkurentnost industrije, kroz tehnološke inovacije i digitalizaciju

- Razvoj sektora informacijskih tehnologija i digitalizacije
- Jačanje kapaciteta za korištenje EU fondova koji podržavaju naučnoistraživački rad i razvoj inovacija

1.3. Poboljšati turističku ponudu, infrastrukturu i poduzetništvo za razvoj održivog turizma

- Unapređenje turističke infrastrukture i revitalizacija kulturno-historijskih objekata i turističkih destinacija
- Uređenje izletišta i odmorišta

3.1. Uspostava funkcionalnog sistema za integrisano upravljanje okolišem

- Osiguranje zaštite prirodnih resursa kroz održivo korištenje i proglašenje područja visokih prirodnih vrijednosti, zaštićenima
- Povećanje zaštite i očuvanja prirodnih područja koja imaju nemjerljivu prirodnu i kulturno-historijsku vrijednost
- Saniranje crnih tačaka i klizišta

C. KRITERIJI ZA DODJELU SREDSTAVA

Poštujući zakonske propise o utrošku namjenskih sredstava prikupljenih po osnovu naknada za zaštitu i unapređenje stanja postojećih i podizanja novih šuma i ruralni razvoj, u okviru programa „Transfer-poticaš šumama u skladu sa Zakonom o šumama“, iz Budžeta SBK za 2024. godinu, finansirat/sufinansirat će se projekti korisnika državnih šuma - preduzeća koje gospodari državnim šumama Srednjobosanskog kantona, definisani tačkom B 1. ovog Programa.

1. **Realizacija projekata po Programu utroška sredstava za 2023.godinu, po osnovu prenosa neutrošenih namjenskih sredstava u iznosu..... 1.545.000,00 KM.**
2. **Subvencija javnim preduzećima – poticaš šumarstvu za državne šume u iznosu700.000,00 KM.**
3. **Kapitalni transferi javnim preduzećima – poticaš šumarstvu za državne šume u iznosu 268.846,00 KM.**

Ukupni iznos.....2.513.846,00KM.

Korisnik državnih šuma, kandidovat će prijedloge projekata Ministarstvu poljoprivrede, vodoprivrede i šumarstva putem Kantonalne uprave za šumarstvo Srednjobosanskog kantona.

Kandidovane projekte je potrebno dovesti u vezu sa prednje navedenom grupom poslova za koje je moguće korištenje namjenskih sredstava i sa ispunjenjem strateškog cilja, odnosno specifičnih ciljeva utvrđenih Strategijom razvoja. Budžetska sredstva prema ovom Programu (Tačka C 2. i 3.), mogu se dodijeliti korisniku državnih šuma, kandidovanjem projekata bez objavljivanja javnog poziva u skladu sa tačkom II.C.17,18.c i 19. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine. Za dodjelu budžetskih sredstva prema ovom Programu (Tačka C 2. i 3.), potrebno je prethodno izmirenje pristiglih obaveza korisnika državnih šuma po ranije odobrenim projektima, kao i prethodno izmirenje pristiglih obaveza korisnika državnih šuma prema budžetu Kantona po osnovu naknada za korištenje državnih šuma u skladu sa odredbama važećeg Zakona o šumama. Prijedlog za finansiranje kandidovanih projekata utvrđuje komisija koju svojim rješenjem imenuje direktor Kantonalne uprave za šumarstvo uz obavezno zaključivanje ugovora u vezi sa odabranim projektima.

4. Poticaj šumarstvu u iznosu od60.000,00KM.

- Tekući transferi neprofitnim organizacijama – poticaj šumarstvu u iznosu60.000,00 KM.

Korisnik sredstava su neprofitne organizacije, koje po raspisanom javnom pozivu kandiduju prijedloge projekata Ministarstvu poljoprivrede, vodoprivrede i šumarstva putem Kantonalne uprave za šumarstvo Srednjobosanskog. Finansirat će se projekti neprofitnih organizacija usmjereni na razvijanje svijesti javnosti o značaju zaštite okoliša, važnosti šuma i potrebe za očuvanjem prirodnih resursa, te o mogućim negativnim posljedicama deforestacije i degradacije šuma, kao i projekti u vezi sa formiranjem i vođenjem evidencije zagađivača i zagađenja i pružanje informacija o stanju šuma i okoliša. Kandidovane projekte je potrebno dovesti u vezu sa grupom poslova za koje je moguće korištenje namjenskih sredstava i sa ispunjenjem strateškog cilja, odnosno specifičnih ciljeva utvrđenih Strategijom razvoja.

Za korištenje budžetskih sredstva prema ovom Programu (Tačka C 4.), obavezno je objavljivanje javnog poziva, u skladu sa tačkom II. C. 17. i 20 . Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine. Prijedlog za finansiranje kandidovanih projekata utvrđuje komisija koju svojim rješenjem imenuje direktor Kantonalne uprave za šumarstvo uz obavezno zaključivanje ugovora u vezi sa realizacijom istih.

Prijedlog za finansiranje kandidovanih projekata utvrđuje komisija koju svojim rješenjem imenuje direktor Kantonalne uprave za šumarstvo uz obavezno zaključivanje ugovora u vezi sa realizacijom istih.

D.REALIZACIJA I NADZOR:

Realizacija ugovora vršit će se sukcesivno po osnovu ovjerenih periodičnih i/ili okončanih situacija o izvršenju radova i ostvarenom uvidu na terenu.

Nadzor nad namjenskim korištenjem navedenih sredstava kroz izvršenje sukcesivnih uplata kao i nad realizacijom terenskih radova, vršiti će Ministarstvo poljoprivrede, vodoprivrede i šumarstva putem Kantonalne uprave za šumarstvo i Ministarstvo finansija svako u domenu vlastite nadležnosti..

Kantonalna uprava za šumarstvo SBK

